

郊居詩抄卷之三

莆田鳳岡昌應持編輯

醒亭林文豪校正

五言律詩

普覺堂

方時舉

普覺有何好秋來事事幽
風簷落柏子榕葉覆溪
舟隱几山當戶
經月到樓誰為姑射牧
茆屋

滄洲

山中即事

郭維真

郊居詩抄

卷之三

乙

數日別江渚抱琴過竹溪
山深黃耳遠日落畫眉
啼識字公何補懷家計亦迷
明年揭妻子春雨學
扶犁

哭郭滄洲

方用晦

破屋滄洲上清貧獨可憐
書存無子讀詩好有僧
傳墓下中元夜墳鄰北際
邊窮交空白首莫贈買
山錢

石門清隱

方坦

鄭子石門隱石門長晝開了
無俗客到時有白雲

來谷煖耕春雨窓陰聽瀑雷北軍人已滿林下豈
遺材

宿鵝湖寺

鵝湖清勝地兩度振木座路入珠林晚山環碧殿
春碑存多宋刻僧老半閩人話久鍾聲絕松房掩
白雲

老圃書

黃思永

瓜地書廬僻柴門闕碧流波光搖席冷山色入簾
幽琴撫聽黃鶻樽開近白鷗芳鄰有如此宜爾賦
歸休

郊居詩

卷之三

五

綠野耕叟

林環

負郭有先畬南溪百畝餘閒雲常繞舍流水自分
渠白髮身宜退紅塵跡已疎誰知城市裡還似鹿
門居

送檢討莊孔暘桂陽判官

柯潛

鍾聲催曉騎寒色上重裘笑別鵝鴻侶遙臨山水
州直言非不用高志自難酬公暇閒吟處風清月
滿樓

與陳希明

陳鉞

青衿年少日曾過鄭公鄉
蜃氣虛高閣榕陰覆短
墻別來江國晚夢落海門
蒼客裡逢君話清尊夜
正長

菊坡爲單大尹宇賦

周瑩

解印歸來早黃花尚故坡
理荒鋤蔓草習靜偃垂
蘿籬下寒香滿陰南佳氣
多此中真趣遠何必向
巖阿

出郭

周瑛

郊居詩

卷之三

三

騎馬出東郭茅簷遍拊循
吏需寧復急民俗何曾
淳簫鼓雲中社桑麻雨後
村漢家循吏傳原不錄
劉昆

寄劉憲副

林夔

雉堞全天險麟符控上游
魚鹽通小市燈火列高
樓寄重咽喉地權分將相
籌官衙留客坐籬下晚
香幽

經趙邊地

地控龍荒險山連鴈塞雄
鼓笳秋月白榆柳晚霜

紅九塞華夷限千秋頗牧功天驕猶未滅長劔倚
崆峒

題舍弟世英東山草堂

黃榮

東山何處好新卜小堂幽桂樹青堪掇雲林翠欲
流鹿眠莎艸暖鶴唳海天秋矚此物華好相將判
月留

偃息乾坤裏深深一野亭千花窺石鏡片雨度紗
襦靜悟承調理閒騰相馬經夢回天正午春艸繞
池青

郊居詩抄

卷之三

四

東林寺

林俊

初日上蒼涼峰巒接大荒懶雲依鳥徑馴虎臥僧
廊水碧聰明井燈青慧遠堂禪心秋共寂徙倚近
香床

寄任思順太守

短髮愁看暮丹砂未可憑三山中夜夢雙塔十年
燈魚鴈書還阻煙霞話豈曾艸堂花在眼何日共
支藤

高黎山

崑崙拔絕頂霧雨日廉纖天近山低棧厓虛石過
簷掬泉聊慰渴藉艸未傷廉苦事微官縛霜毛覺
漸添

別鄉人

驛路迷燕浦官梅動越唵相看今日意同是故鄉
心鶴徑寒沙口漁船綠柳陰滄洲有奇事未老欲
抽簪

題清上人山房

亂松深古寺衰謝白雲期生滅慧燈盡晴陰定磬
知簷虛江色遠日薄鳥聲遲杖錫西來意曹溪亦
幾支

德化高良寺

肩輿歷風雪偶爾愜清遊萬竹深藏寺三山近映
樓禪心溪月晚宦業野雲秋坐覺前征晚貪閒爲
一留

賦得陶令之官去送余慶元 魏時敏

陶令之官去都門雪正深蘭舟春載鶴花縣晝鳴
琴雲影瞻親舍鶯聲憶上林括蒼山水麗退食一

登臨

送徐用勵侍御赴京

鄭岳

深春辭故國積雨滯行裝
草色渡頭滿江流天際
長花明迎繡斧鳥過避封囊
尊酒情無盡雲山故
故蒼

遊武夷

黃鞏

真境非人世平生夢見之
杖藜來獨晚冒雨看尤
奇九曲將窮處一春欲盡時
風塵吹客袂臨發故
遲遲

郊居詩

卷之三

六

送陳汝齊赴嶺南斷事

周宣

都城寒雪霽花鳥破春妍
人向南去官分閩外
權清霜柳葉瘦紅日荔枝然
風物猶鄉國知君吏
隱便

哀沖太子輓詞

林文俊

鶴駕凌空去龍樓問寢疏
登仙終不返圭器可應
虛內府藏金冊空山闕玉魚
晚來松柏裏細雨助
沾裾

至羅溪驛

林太輅

春泥深幾尺零雨復黃昏細竹橫橋渡岐途去馬
分寒侵平楚籟白度遠溪雲候館燈花靜栖林自
鳥群

夷陵感懷

漢署分香遠江村入夢頻馬卿能免病原憲顧長
貧天入巴陵暮花明楚樹春西遊心欲拆北望一
沾巾

寄懷倦遊亭呈李梅東

談古頻分席離塵欲振衣十年爲客遠萬事出門

郊居詩抄

卷之三

七

非岑榻湖聲入石門山翠飛故鄉路應識長在夢
中歸

聞北信懷鄭九萬黃門

紫雲涵瑣闥瓊樹近仙郎憐爾經綸志相思江漢
長身緣憂世病髮豈到家蒼賈傳逢明主猶疑謫

楚湘

一官奚足惜萬事死生輕丘壑元貧賤廟廊自聖
明東山蘿月白小野桂風清翹首思天仗猶餘折

檻情

發火 汧夕望劍浦

客路驚留滯行舟紀水程連山民舍小古木驛樓
平劍浦魚龍夜風波兒女情離人今夜月應共故
鄉明

楚城人日懷大同

傳道劉司馬從容軍令明請纓終子志約矢仲連
情劍氣橫霜壘笳聲動雪城至尊憂社稷麟閣敢
邀名

昔日雲中戍 先皇外四家連翩馳漢騎談笑靜

郊居詩抄

卷之三

八

胡沙白日宮雲淡春風御柳斜只今胡頡洞倚劍
一長嗟

萬騎羽林將九天銅虎符風雲爭請劍朝野望垂
弧江水荆門樹煙花楚塞隅羽書驚送喜早晚報
平胡

寄吳一蒿別駕

朱泚

一別都門道生涯各轉蓬相逢重把臂多病已成
翁附驥思前日冥鴻想下風看止朝撫几拄頰五

侯東 五侯
山名

萬事浮雲外蕭然一故吾
菴旄傷道路歲月感頭顱
野性無羈管滄江足釣徒
朝來公事併搔首辦
詩逋

贈別黃方山少叅

黃時被謫

高賢自城闕下士祇山林
未必平生舊相期一片
心風雲人事改天地主恩
深白日關山道歸囊有
素琴

遊山

開年初二日停午不雲時
拉伴無前約探春恐後
期松寒聞子落野迥見人
稀風物供登眺毋嘲歸
去遲

題山房

北極煙霞迥西軒水石寒
何年歸粟里前夢說邯鄲
涉世情偏懶讀書興未闌
猶餘明主戀炯炯寸
心丹

和南安嚴年兄韻

共向山中宿夜來山雨鳴
不知身世在獨覺夢魂
清鍾萬何年事刀圭幾日
成從君托幽契端坐話

無生

飲林君白留雲閣次韻

林遷喬

叢青飛閣上尺五入高雲野色兼天迥溪光圻地
分踈花窺好鳥密葉逗斜曛更惜芳筵興微風散
宿醺

出郭次張亭溪太史

柯維熊

看山憐舊約跨馬出城闈正喜雲生屐翻愁雨濕
中河橋青草合沙渚白鷗新遠愧偏醒者溪風吹
釣緜

郊居詩抄

卷之三

十一

白沙驛用韻送王筆峰守襄陽

才名二十載出守鎮襄陽晴日芙蓉麗春風杜若
香時觀羊子碣還吊孟公鄉疲苧離居者相望江
漢長

送洪玉方督稅淞中

王鳳靈

又客勞南望江南爾獨行潮聲天外起山色越中
明風物佳無恙瘡痍怨未平何如汲長孺發賑慰
皇情

送人歸烏程

憶昔過仙縣青尊汎綠蒲歌聲憐子夜劍氣識昆
吾野水環城郭官齋入畫圖送君歸此地春思滿
江湖

送鄭少谷歸鰲峰次韻

渡頭喧欲發谷口遠將歸祖席歌初散東風帆正
飛北來稀伴侶君去卽庭闈南過桐江上秋花滿
釣磯

貧病今如此遠遊意若何冥鴻歸路杳芳草故園
多鳩署慚何補鰲峰好寤歌無能共把臂長笑入

郊居詩抄

卷之三

十一

煙蘿

漂母祠

古廟瞻遺像靈眸若有神王孫誰物色國士豈謀
身不愛千金贈應知一飯真異時蕭相國猶自擅
知人

贈黃亨夫赴宣城

柯維騏

曾獻金門策新分赤縣符文章才獨擅禮樂術匪
迂郭映陽峰秀村多宛水紆謝公登覽處幽興未

應孤

酬林中丞西湖讀書園

投老西湖上悠然近物情
牕迎江嶠碧池引壑泉
清坐石雲常狎步林鳥不驚藜
光分漢閣中夜讀書聲

送周南喬出宰湖南

薊野涼風起蕭蕭愴別離
憐君傾蓋意柰我索居
時碧落雙鳧下清襟一鶴知
登樓定回首爲寄岳陽詩

宏路驛

郊居詩抄

卷之三

十一

雨歇江天淨山迴驛路遲
客愁新歲減風物故鄉
宜花事餘梅盡樵歌綴竹枝
祇慙司馬病深負好文時

贈安吾李隱君

朱轂紅塵裏黃金白髮前
人生長自苦汝意一何
賢松菊陶公逕桑麻杜老田
請看蒿下鳥應不羨高騫

索居

一自返園廬逃名久索居
人閒馴鳥雀地僻值樵

漁花映石塘淨泉鳴雲壑虛春江有歸鴈不寄子
公書

答陳時偕侍御

偶託通家分潘楊况舊姻不禁離夢積祗憫好音
頻涕淚匡時疏飛騰報主身彈冠慙已晚不必
念沉淪

送黃欽州

康大和

盛年初綰綬蠻府獨鳴珂編戶華夷半炎方瘴厲
多三刀符昔夢五袴聽今歌明發遙相望江湖起

亦君詩抄

卷之三

三十一

夕波

春日遊白雲觀

燕京幽事好多半在僊家不結遊仙侶其如負歲
華住山無甲子高枕有煙霞爲問玄都樹春風幾
度花

賦歸二首

林雲同

幽蘭良可佩晚菊况尤奇所貴香風遠非緣華葉
滋谿魚多上溜谷鳥無單枝物性知如此吾生可

自疑

客舍樹陰合時聞啼鳥聲回思歸湖墅正值秋雲
晴載酒全遊少寒芳信步輕商山又綿邈白首故
多情

得歸志喜二首

五疏承 恩許千心謝 聖靈全生還故里督于
束殘經散步初衣快巡簷宿酒醒閒居足幽事恬
漠誦黃庭

托居在城市日日有溪聲古樹侵雲密春花帶雨
明進叨文字役老遂釣遊情敢謂能完節遭逢幸
此生

初唐詩秋

卷之三

古一

贈學士華鴻山之任留都 黃廷用

北平飛曉旆南國動奎文春入晉陵樹天開淮甸
雲玉堂初帶印金馬暫離群賦擬揚雄似還來獻
聖君

送煉象巡尉

周鯤

萬里安寧尉休嗟行路勞時平金鐸靜關傍玉山
高巒賦輸庄貝華風變佩刀知君雙眼碧君應識棄

繻蒙

潤州招隱寺

黃洪昆

招隱何年寺傳燈此日來
慈雲籠寶樹佛日照香
臺鰲擁青山出濤驅白雪迴
傷心梁殿月猶照讀
書臺

吳城道中懷孔文谷

雪裏逢君處花開又隔年
鶯聲終日待月色幾回
圓文舉尊常滿陳蕃榻尚懸
簡書催馬首役役愧
高賢

吊賈傅

陳言

郊居詩抄

卷之三

十五

去國遠宸扉席前再召稀
有君終不遇於世乃相
違叩闕年方少投荒道豈
非浮湘亦有賦千載重
歔歔

鉛山公署竹亭

正對猗猗好何須斬萬竿
陰隨碁局靜清入酒杯
寒坐引虛中客來看當戶
山風塵嗟物役吾愛此
林間

入分水關

誰識度關者遙從天上還
雨聲吹九曲雲氣下三

山農事占禽語鄉書解客顏孤舟明日下高枕聽
長灘

曉發新喻

起坐聞城柝秋宵漏未殘嚴裝燈下發衰鬢鏡中
看龍劍衝星曉貂裘襲露寒賦歸歸未得客思正
多端

新口舖讀廖梅南太守致政時舊題感仰

高賢用賡雅韻

青春辭紫綬高志薄秋雲荷芰仍初服柴桑有故

郊居詩

卷之三

十六

村冥鴻隨遠翻玄豹忌豐文何處追芳躅清風在
鹿門

中秋寓劔州翫月

明月故堪把中秋賞更歡照人移几席送客度關
山醉酒謀良夜揚舲下急灘坐來看牛斗猶帶劔
光寒

宋叅藩鎮莆中夏日紫薇樓讌集因而見

懷分韻得明字

林應采

共作登樓賦雄風習習生寒帷煩暑失映竿暮霞

明幕府旌麾偃文儒冠蓋傾因憐三逕裏獨有蔣
元卿

招方君謨入社不至

雲間推大陸遲爾結同心詞賦名逾起煙霞跡轉
深花時共獨醒澤畔向誰吟隔葉聽黃鳥嚶嚶空
好音

留雲閣坐雨

勝日携仙侶寒雲擁几筵風迴吹雨白山靜得詩
玄竹色清衣袂蕉聲咽管絃木蘭新水至擬上釣

郊居詩抄

卷之三

十七

魚船

初夏南樓酌月

梅雨忽以霽南樓送晚涼憑欄河礙幘展席月臨
觴酒半高吳詠時平任楚狂爲歡難此夜客莫問
東方

途中懷友

林萬潮

落日澄江裏輕舟颺晚風遙看新月上還與故園
同北極渺何許南溟思不窮永言念儔侶延首愧

高鴻

平津新漲合赤岍暑雲滋舟楫從茲去滄波信所
之離群悲北鴈舉酒對南枝不盡懷人意惟餘芳
杜知

遊金山寺

陳所有

四百南朝寺金山入畫圖天遙飛錫下江濶翠微
孤度鳥從僧施靈竈解客呼麻姑曾見說此景勝
蓬壺

浮玉鬱嵯峨征帆幾度過諸天朝市隔四回水雲
多塔影移盤石龍湫出晚波空門無一事齋罷念
波羅

郊居詩批

卷之三

六

高僧原不住島嶼亦爲家極浦聞鍾梵中洲見祖
花煙波今夜榻霄漢秒秋槎詞客情何限焦山路
不賒

壺山草廬贈答梅山子

陳自然

遙憶冥棲處長吟日欲曛石門含竦氣袞齒着天
雲蝶夢人間遠仙都世外分不因鸞鳳嘯那得更
尋君

病起言懷 二首

鄭鏊

曉起繞前除池花已盡舒
年華愁裡過鬢髮病中
踈孤憤空談劍健忘已廢書
妖氛何日淨高枕白雲居

年來不稱意况復病相仍
驚夢城頭角停餐雨後
蠅逢迎應謝客踈懶欲依僧
何似少年日艱危氣益增

望嶽

湖中記遙望衡山如障雲沿湘千里

方攸躋

衡嶽壓茲方秋山秋望長白雲到千里黛色抱三

湘海日祝融上月華天柱傍探竒吾倘遂玉字豈

如君詩投

卷之三

九

全荒

州齋示兒沆

庭列二古松蒼然相繆萬山環之

懶慢真吾性飛揚及汝時一麾方出守萬里遂褰

帷宦計逢迎拙人情撫字宜湘源試臨眺是處有

瘡痍

樹老寒雲擁堂開列嶂隨清時堪自見古道寔吾

師賦稅華夷雜方言楚粵疑未須愁枳棘霄漢是

襟期

洮陽憶兒翰

憶汝忽霑襟蹉跎萬事侵黃金燕市計白髮楚江
心宦邸藏身穩天涯嘆世深忍看故園月夜夜到
楓林

哭林中丞

時在
湘源

繡斧稱鷹擊轅門控虎立聲華 明主識諫草薤
林收多病虛丹液浮生竟黑頭湘江將血淚蚤晚
到滄洲

同聲予二子投分比南金白簡威名壯緋袍顧聆
深鳥隨門客散柏傍墓楊陰蒿里千秋淚思君更
郊居詩集 卷之三 二
不禁

閱亡友丘光祿尺牘言念疇曩悽惻成詩
散帙披殘墨愁雲黯不舒瀟湘萬里淚慘淡數行
書世短悲零露天長阻素車山陽思舊意賦就更
霑裾

贈顧山人

君自何方至蕭然鬢欲華逢人輕白壁得句滿黃
花五嶽迎風杖群星犯月槎還耽武夷勝拂袖擬
煙霞

酬謝文度立秋同徐實夫集敝館酒罷登

城之作

白門曾握手黃葉幾經秋客計虞卿薄詩名謝朓
優醉看風雨態狂撥古今愁知爾凌雲者春城十
二樓

徐別駕宅同諸公酌菊

今歲山城菊寒輕花較遲獨憐芳意早似與故人
期浥露分杯色含霜伴鬢絲諸公未應去吾欲醉
東籬

郊居詩抄

卷之三

三十一

湘南早秋

南國生秋早新霜入鬢多雪高衡岳葉風湧洞庭
波平世甘衰晚幽棲托薜蘿綸竿滄海好何事傍
湘娥

留別南岳使君

丘秉文

西來仍臥理落日訟庭閒白雪堪侵骨丹砂且駐
顏風塵容傲吏天地借名山爲得新詩贈何殊抱
壁還

雨中訪林南寧對酌有懷徐戶部

昔日高陽侶飄蓬何處尋
底煙愁異國禽鳥慕同
林猶憶時喧馬相逢此
盍簪不堪梅柳色又見
幾枝深

徐陵高興發得句失陰
何已辨尋山屐能揮却
日戈物情花外少春色
雨中多玄草亭成後時
聞載酒過

誦吳明卿給舍贈別黃亨夫詩悵然有懷

爾別黃生曰河梁思不勝
新詞還季重高義即延
陵霧雨藏玄豹天風失
大鵬空歌白雪調夜棹興

郊居詩抄

卷之三

三

難乘

起草名方籍舉蘭衆已疑
竄身鸚鵡賦塌翼鳳凰
池宣室徒延佇台州豈量
移刀頭時把視腸斷楚
江湄

攬鏡

少年負跌蕩嘲笑歷公卿
俠氣秦庭劍雄心漢闕
纓顏延非不遇李廣竟
何成鏡裏三千丈惟餘
白髮明

讀黃亨夫見貽之作

散髮弄江煙，風流爾謫仙。
新翻張翰句，尚濕薛濤箋。
咳唾疑珠玉，招携有歲年。
西窓風雨裏，心賞倍冷然。

茶洋書懷用郭給舍韻

朔氣大蕭森，勞歌思不禁。
飄零逢世難，牢落息機心。
未學扶風嘯，空爲梁父吟。
誰能期歲晚，一臥白雲深。

立秋

青女辰方屆，朱明節已非。
迎寒孤鴈度，泛夜一螢

郊居詩抄

卷之三

三十一

飛大火流西，陸明輝鑒薄。
幃人生貴適，志張翰蚤知機。

病中走筆訊鄭大員外

吾衰不覺甚，爾病亦經年。
賢聖愁中物，風煙夢裡人。
北窓時隱几，東海罷垂綸。
何處饒芝朮，相携訪隱淪。

別明上人

重遊仍借榻，一月共霞煙。
盤列無名果，鐙然不夜花。
逃禪空萬劫，聽法到三車。
秋雨方蕭索，那堪別

思賒

病起與黃亨夫如初評詩往復因念故
友丘鳴周早擅騷壇久登鬼錄漫作五首
末專悼鳴周

徐觀瀾

早歲工聲律于今只故吾文章非長物鍾鼎竟誰
圖清簞迎秋早踈燈照雨孤捷關何所事拈筆著
潛夫

黃子元吾畏新詩白雪操能蠲司馬疾如涌廣陵
濤抗疏橫雙眼曝書傲我曹即今哀怨裏團坐點

郊居詩抄

卷之三

五

離騷

黃時有私艱

草堂稀客到近舍有方干秀句湖心滿清尊月下
寬松筠長自愛詞賦老相看好洗花間甕遲予一

渥丹

方近構讀書堂于西湖之西

李生懷謝眺吾黨讓丘遲爲賞澄江練况憐漁浦
詞游虫紛素帙高葉下空帷何日新阡上看題幼

婦碑

殯尚寢故云

光祿知何往招魂竟不聞疑浮西海筏突起北邙
墳花砌封衰草宿樓掩暮雲有時乘月出傳是九

華君

病中漫作挽章呈黃給事

久知衰作恠不謂命能妨偶寄人間世全歸物外
鄉挽歌長浩蕩裸葬任猖狂余亦達生者遲回詠
幾章

藥餌知無力吾生信有涯何須談祿命只合困龍
蛇日御終難挽夜臺總是家寄聲萬里客相送莫
長嗟

點檢生平事吾歸更豁如黑頭爲客倦白眼向人

郊居詩

卷之三

三五

踈調笑東方伎寓言蒙叟書興來雙玩弄真宰且

愁予

欹枕秋聲警薄帷夜月親忘形還造化側目免時
人麴蘖終吾老文章借爾身強殮更何益天意豈
更新

涼風來樹杪吾困竟難醒久壓妨曾偶大還損性
靈百弓磽确產數部太玄經此外無遺令惟求玄
晏銘

楓橋夜泊

鄭東白

兼葭侵暮色江上往來頻殘月有孤鴈寒燈無一人
煙波萬里棹貧病百年身中夜聞漁父滄洲結
比隣

釣舟

空亭千葉下落日五湖秋白憤携尊酒滄波坐釣
舟鍾聲山外寺樹色水邊樓吾愛鴟夷子浮家汗
漫遊

舟中獨酌

父作抽簪隱翻爲仗劍遊江湖今白首道路卽滄
洲亦居詩抄卷之三

三

洲樂任賢人醉癡隨醒者尤當年孟夫子千古一
風流

瓦缶傾村酒陶然山水間鼓聲隨艇去鷗意與人
閒寶劍明寒日新詩逗醉顏騎鯨亦五畢擊楫弄
潺湲

獨酌有懷

不必論身世高陽一酒徒巖居其鹿豕浪跡傲江
湖華髮時名拙青尊客病蘇木蘭二三子何處問

當壚

湖口阻舟

正值悲秋候况逢逆旅邊
濤翻千里雪雨暗九江
船身豈風波失情應故舊
憐居然稱老大猶愧子
雲玄

別汪開府還新安

謝玄能破虜元亮忽辭官
歸路黃花近趨庭白首
歡秀攬新安月芳留幽谷
蘭遙知明主意未許
臥東山

得黃亨夫書三首

方輿邦

郊居詩後

卷之三

七

不見黃生久干戈淚滿衣
天寒溫室樹秋老故山
薇白日雙魚至青天獨鳥
飛江湖心欲折非是厭
輕肥

豺虎風塵起鯨鯢赤羽馳
極天惟鼓角滿地有蒼
痍客計虞卿病兵機更
信悲秋風吹漢殿空負北
山期

汝昔趨青瑣龍鱗有諫書
世情難共棄古道竟何
如武騎功名薄文園歲月
虛不知風雨夜誰過夕

郎廬

登定興城樓望紫荆關二首

徙倚欲何之，危樓向晚披。
悲歌燕趙客，輕俠幽并兒。
紫塞孤鴻斷，黃雲匹馬遲。
金微多野哭，曾閃漢旌旗。

拔地窺青海，中天控紫荆。
誰揮白羽扇，萬里獨橫行。
朔氣沉秋角，雄心阻漢纓。
月明幸無事，極目暮雲平。

秋日餞別戴朝賓督賦廣東兼省覲

汝去訪庭闈，中宵買馬歸。
秋風雙杵亂，漢節五陵稀。
白簡曾分闥，朱旂未解圍。
自嗟無羽翼，鷓鴣不同飛。

郊居詩抄

卷之三

天

秋夕宴陳錦衣宅贈李考功子藩

金埒帝城中，雕甍晚照重。
停驂來省署，泛蟻坐從容。
月滿千門柝，風沉五夜鍾。
君看秋水，上溥露泣芙蓉。

搖落千秋淚，浮沉萬事捐。
投珠無狗監，禪劍有龍泉。
白滿馮郎鬢，玄嘲楊子篇。
當杯空壯觀，肝膽向君前。

調蘭移戚里通籍老金閨病骨驚紈扇鄉心折鼓
鞞鳳凰君有賦鸚鵡我難題歷歷天門近搖光濕
紫霓

握手朱明度驚心白帝來越吟愁竝入蜀道恨兼
裁瑤瑟何人抱芳樽此地開黃金為客盡休上郭
生臺

秋日過涿鹿逢太僕馬公閱馬有感

時諸將移

檄調馬
兵備

戰角悲遊子臨戎有長卿平蕪開鹿郡驟雨暗龍

郊居詩也

卷之三

无

城都護秋傳檄將軍夜點兵何時求大宛惆悵棘
門營

八日雨晴連日風顛寒色凜然有懷京邑

諸貴遊

陳應魁

春日晴兼雨花時雨又風鳥寒直怯語葉落更勻
紅拾翠懽娛冷懷春士女同陌頭舊楊柳門對苑
牆東

鮪魚

桃花二月水春雨鮪魚肥添得金盤饌先奉玉版

師海市割鮮早揚州入貢遲還聞獻寢廟猶在薦
櫻時

清明

春服無由試况於令節逢已過三日雨未數幾番
風柳葉全經暗桃花已解紅更看無限思多在雨
聲中

九月朔日早渡峽江

潮至秋來盛帆開風正輕過江卽吾土爲客厭人
情鳥下孤根沒沙虛清旭生愁看李都尉亭長罷

郊居詩抄

卷之三

三

逢迎

題東州叔茅齋讀書處同黃六山人賦得

林字

得從大阮宅詎識仲容心當壚不受酒編竹卽爲
林市隱應龍見時清聞鳳吟不逢荷篋者擊磬有
餘音

雨

殷殷雷聲動茫茫雨脚垂海風吹又斷山日澹無
姿遠浦歸帆駛孤村去鳥遲所思枯旱急稍足慰

農畝

七月七日立秋西北風大作雷雨如注

雲雨驅殘暑西風動早秋人生如飄泊茅屋似孤舟
山虛聞落石海迴結層樓不自陽臺至翻令宋玉愁

賦得鷹隼待高秋

早負竒毛俊晨飛絕壑秋不將狐兔盡空使尉羅求
自獵風雲便高颺霄漢遊商風向夕起千里暮塵收

郊居詩

卷之三

五

寄答呂廉州貳守

昌舊爲漢川令

兩綰安仁綬今叅叔度乘珠歸合浦潤名得漢川
稱蛋米供多事東南力不勝 聖明恭已詔一切罷繁徵

建州夜夢鄭亦鼎起賦

黃謙

故里烽煙後嗟君萬事非戶庭春不駐兒女歲恒
饑真散隨絃絕芳魂有鳥歸黃山風雨夜彷彿見容輝

浩淼滄溟外人言更九州夫君輕世者萬一逐仙

遊散髮吟瑤草乘雲駕赤蚪世緣空有夢隨月下
西樓

七夕

天上雙星夕人間一葉飛雲屏秋影澹銀燭夜光
微狐塞寒應早龍庭戍未歸傳心須錦字難借七
襄機

夏日江亭陪王少卿晚坐

移席俯江濱臯蘭晚氣薰
林留墜海日衣染度山
雲朱紱耽何補明霞坐可分
洛京車馬客日夕汗

郊居詩秋

卷之三

三

紛紛

停舟客星亭

理楫探高隱春溪似掌平
千山迎棹出片月逐潮
生江芷晴堪把庭松晚自榮
所思人不見佇立倍
含情

溪側茸茸路曾經漢使馳
星辰仍後夜物色豈前
期蕙帳音容遠漁磯歲月遲
羊裘千載意無復赤
龍知

社中各賦一物贈鳴周初度分得梅

萬里羅浮樹衝寒不自禁片雲紛鶴影孤月寄琴
心江夜珠搖浦山晴玉作林一枝遙折贈春色曉
堂深

賓樓待月

東樓初吐月虬箭報更闌雲迥河兼白天高桂自
丹照筵波汎濫度塞路艱難萬里長征客今宵忍
獨看

北城晚眺

黯黯傷春去層臺強自攀雲山連百粵島嶼隱諾

郊居詩抄

卷之三

三三

巒江夕魚龍偃城孤鶴鶴還近郊有戍卒落日泣
刀環

送錢大夫再入朝

歲在萬曆紀元

兩朝爲計吏五馬似龍驤冠蓋離尊滿山川別思
長霑恩魚在藻綴舞鴈成行明歲公車下人言渤

海良

星變

二首
有引

星變嘉靖辛卯秋丙辰春今萬曆丁丑秋及冬
自其童日至于今凡三見而嘉靖丙辰春以星

變時宰嚴嵩請大策免臺省官其亦與焉

星變高秋候冬來望轉新經天疑太白徙舍仗

皇仁投老更三見羈危幸一身先朝勤策免恩亦
及微臣

熒熒高擁篲望若掃東方大曆堪推步玄機詎渺
茫司天書屢上罪已 詔應長今日非當日妖氛

盍退藏

吳門晚泊卽事

停橈一倚杖風物淨堪憐夜市千門火河橋萬里

郊居詩抄

卷之二

五

船繭絲稱上國竹箭擅南天未罷遼陽戍先秋急
餉邊

黃菊章

予母太淑人壽八十有一菊月二十四日誕辰也扶侍粵鎮用黃菊

開花爲韻
歌以侑觴

郭應聘

高堂戲綵日黃菊正開花密葉凌霜迥寒香挹露

賒南山青竝峙東海潤無涯四沐鴻私重酬

恩敢問家

太淑人四沐封誥某謁歸侍養淑人戒
之曰我幸強食兒須圖報何以家爲

小春方戒序黃菊正開花天外綵綸重堂前劍履

賒疑遊蓬島上忘却海天涯捧卮長進酒萬里總

爲家

詠太液池鴈

閣試

方萬有

太液水初解，衡陽鴈正歸。
刷毛吹暖浪，唼藻弄晴暉。
爲戀恩波潤，兼之矧繳稀。
回思關塞上，孤影帶霜飛。

夏日遊龍橋精舍以諸子侍

乘興移孤棹，尋幽到野亭。
谿迴縈荇帶，松老長絲苓。
瑤草薰書幄，雲花映石屏。
偶從諸子過，誰奏聚賢星。

郊居詩抄

卷之三

廿五

落花

忽訝園林寂，空悲風雨多。
枝頭元幻跡，眼底總流波。
華髮曾誰却，鶯聲奈爾何。
客來渾不掃，把酒且高歌。

同鄭士元賦答社中諸公

共有青山約，來成白社緣。
芳樽滌日月，綵筆傲雲煙。
象應群星聚，名慙雙璧聯。
從今巴里唱，亦傍郢人傳。

賦得東岱贈丘鳴周

五嶽誰稱長東方獨介立日從三觀望天入九河
流漢冊何年探秦碑異代留多君垂綠髮時訪列
仙遊

夏日宋叅藩邀集紫薇樓得登字

炎雨今初霽高樓喜共登望中滄海盡行處白雲
層玉粲愁何極陳登氣益增大夫原有賦蹇拙我
何能

初夏同潘印川臺長集鎮海樓

戴科

郊居詩抄

卷之三

共

五嶺乘驄日層樓下榻時風雲隨絳節歌管雜黃
鸝煙樹開民舍珠光照客卮簡書同萬里對酒意
躊躇

移家祁陽途中見梅

南陸日初轉祁陽梅已花香隨風笛度影傍月樓
斜歲暮傷爲客他鄉暫寄家老親強健在春色遶
天涯

歲除夜雪逢昌廷佐

除夜猶行役况兼雨雪來客心驚爆竹鄉思在寒

梅真作山陰興同傾柏葉杯相看今歲盡明日早春回

送太學成生北上

昌應時

三月出郊原含情各不言其如賦芳艸而復送王孫去住人千里飄零酒一尊黃金聞索駿君過郭生門

板橋次韻

誰家漁澤畔水宿日相呼放舸乘初月垂綸得巨鱸解策頻濯澗炊黍且燃蘆倘許息機者同舟入

郊居詩抄

卷之三

三

鏡湖

九日同黃中庵登玄妙觀兼酌孫將軍亭不盡憑凌興穿雲破綠苔風塵今日共尊酒故人開地僻黃花少秋深白鴈來杜陵無限思拈筆幾登臺

將度關嶺次徐子與韻

牢落邊州路愁雲萬里生亂山當岬出駭浪拍天橫馬瘦防踰嶺煙高欲近城寄言徐孺子何似七

閩行

徐舊守
閩中

同黃中庵湯守戎渡井木口

細雨正絲絲羈人欲渡時飛泉紛入澗亂葉半侵
陂客思逢秋暮王程怯馬遲壯遊無近遠何必嘆
居夷

趙塘渠司理邀遊北山寺同諸衛帥

艸色芳春綠煙花刺眼明亂山遙對酒清梵間吹
笙徑狹難容憶雲遲逗去旌將軍閒較獵今已罷
東征

過盤江河

郊居詩抄

卷之三

三

孤棹倚江心丹楓夾岼陰湍流吹白雪谷響雜鳴
禽物候驚駒隙宦情嘆陸沉欲因漁父問竄跡海
雲深

初夏集鄭士元咫園次韻 陳志

別業從來勝芳筵花作茵却憐楊子宅猶剩武陵
春倚杖雲生岫開樽鳥近人自今來往熟不待報
書頰

鄭士元叅藩招遊西湖時同孝廉君亮氏

蕭奇勳

畫舫春堪進他鄉勝事同明湖開萬象大澤聚雙
龍歌管參差起樓臺紫翠重孤山鶴可借吾欲駕
天風

定州道中遇雨

西颢何蕭索羈懷鬱不開邊聲上谷近雨色太行
來客計餘書麗宦情問酒杯江湖吾道在留滯未
須猜

寒食讌集

鄭茂

榆火藏煙日蘭室對酒辰花迷湘浦望燭憶漢宮

郊居詩抄

卷之三

三九

春黃鳥傳幽事青山寄病身行藏君莫問宦海正
愁人

酬諸君招入木蘭社之作

爲愛東山客長歌桂樹章煙霞深結伴詞賦蚤升
堂二仲吾殊忝五君爾自揚幽情今已洽莫訝薜
蘿裳

黃田驛有懷李都運

迢遞黃田路羈棲聽雨心雲迷千澗暝燈落一窓
深少別驚殘夢相思隔暮岑雙龍看不遠終合劍

江潯

過草萍驛

古驛荒煙斷征驂向晚停吟回江雨白坐對越峰
青萬事皆蕉鹿吾生亦草萍勞歌猶未已短缺復
衝星

贈陳四樓令長

蓬島渺何處乾坤有四樓君懷凌紫極我志在滄
洲願握二花樹同登五嶽遊羨門如可遇爲爾更
添籌

齊君詩抄

卷之三

四

夏日楊叅知小集烏山辱枉佳篇依韻奉

酬二首

小隊傳呼近飛觴入夜傾疎林開窈窕遠岫出虛
明蘿月窺人近松風掠坐清不因藉草興誰識緜
袍情

豈是高陽會漫勞羽蓋傾炎蒸花外失空翠月中
明驥附青雲重詩傳白雪清重遊應不厭薜荔更
懸情

初夏諸社丈小集咫園

盟鷗開小徑結駟在朱茵酒綠仍含鴈花飛尚覺
春君爲驚座客我豈獨醒人且盡持螯興寧辭蓮
漏頻

宿近奎閣懷亡友林少麓因次壁間原韻
一水近奎閣叢陰護禕臺花飛春欲暮燕語客重
來風雨淒聞遂河山邈舉杯交情千古在猿鶴不
須猜

偶過柴桑里何人共酒卮雲封金薤篆雨長籜龍
枝倚閣聽新溜呼燈續舊詩夢中心欲折轉覺漏
聲遲

郊居詩抄

卷之三

四

懷方三戶部時就侍湘源 林文豪

萬里蒼梧客童年憶竝驅風塵分楚越離恨滿江
湖望嶽詩應秀浮相思不孤春風有芳芷何得慰
潛夫

黃大給事月下共酌酒酣黃放歌余起舞
榻爲何人下杯憐此夜傾雲霄承末昭詞賦借宗
盟舞逐鷄聲起歌疑鳳嘯生他時國士意對汝獨

縱橫

贈鐔州黃文學

昔別猶在眼今來各問年時名看白髮宦業嘆青
羶匣有延津劍家無負郭田春風吹帶草共訂太
玄篇

讀方員外浮湘集賦贈

余翔

不讀西征賦誰知大雅吟衡山秋色壯湘水暮雲
深二女重華淚孤臣衆嬖心應知搖彩筆山鬼嘯
空林

秋日薜荔園書懷

知居詩抄

卷之三

四十五

一簾黃葉雨高枕白雲秋天地甘貧病蓬蒿自去
留魚腸空結客猿臂豈封侯所以忘機者臨流狎
野鷗

秋色江村冷兼之四壁貧圖書供歲月牛馬任風
塵踏海齊高士懷沙楚逐臣吾生空落落華髮幾
莖新

秋日訪張明府同游山人賦

偃蹇嗟吾黨相過豈世情途窮詩作崇俗薄酒爲
名月冷花陰靜風微竹影清百年拚一醉劉阮或

同聲

七夕舟中作

銀漢迎仙佩金飈動客舟江湖逢此夕礎杵報新
秋塵世傷萍梗清宵着女牛班妃團扇賦吟罷不
勝愁

真州送林明府携家還鄉

楓林搖落候有客賦將歸湖海十年夢星霜兩鬢
稀田園存晚計蘿薜遂初衣回首雲霄迥天涯萬
事非

郊居詩抄

卷之三

四三

携家尋舊隱豈爲鹿門期客久薪如桂愁來鬢有
絲風塵悲荏苒戎馬苦驅馳歸去明猿鶴岩居更
不移

題戴氏風澤山房

誰栽千樹橘况近百花莊何用愚名谷只宜醉作
鄉行藏高臥穩歲月著書長興到來看竹無勞枉
報章

行部泊舟村落

方沆

落日維舟穩荒村問館稀鳥歸棲浦樹犬吠護柴

扉暗漿隨流撥秋螢點幔微誰言五馬貴自覺寸
心違

郊行漫興

軒蓋纔遵畝前驅復隔林牛羊來晚色禾黍散秋
陰予豈褰帷者民多解劔心循良推漢吏報政有
黃金

灌江計畝村居漫興

野色荒荒暝漁歌岬岬聞亂山來紫氣殘日帶黃
雲烏雀爭巢墮牛羊透徑分壺漿父老意詎惜客
郊居詩秋
卷之三
四四

顏醺

當年捧檄意扶持過湘東學禮曾趨鯉憐才孰薦
雄楚雲千里到嶽色九疑通登眺高齋裏時時數
朔鴻

村夜霜初白蕭條傲吏情政慙神爵異人逐好龍
名宦計三年拙生涯五斗輕匣中長劔在氣色獨
崢嶸

曉發白雲驛

野色正蒼哉寒光馬首開古今元逆旅天地孰憐

才薄宦年華換浮名薦列來曙鴉聽不盡客思耿
難裁

粵中舟行漫興

曉發端溪渚千峰瘴霧青陽鳥升海色宿鷺抱沙
汀俛仰存吾拙乾坤笑獨醒三年歷落意耿耿拂
青萍

華亭璩仲玉文學渡江見枉賦此贈別

客自東吳至居然傾蓋心風雲染翰出雨雪渡江
深詞賦誰中嶽才名爾上林醉歌迴夜色千載重
郊君詩抄 卷之三 四十五

知音

秀上人雅爲予稱詩賦此贈之

鍾磬諸天外祇林隔世氛塔餘千臘樹榻擁半峰
雲愛馬高風在雕龍秀句聞逃禪吾未厭蒲坐好
爲分

雨花臺

說法留初地登臨野望賒江流晴展鏡海氣晚蒸
霞萬樹爭春色孤臺自雨花不愁歸路暝爲倩白

牛車

生日泊舟翠光巖

黃天全

浮生不滿百六十尚飄零物外雙蓬鬢天涯一客
星又逢新月白相對晚山青小艇隨漁父虛疑笑
獨醒

雨中逢陳守巽太守

龍劍分還合僊舟止復行吾衰踈世態歲晏見交
情雨過紅塵失詩成白髮生東山稱勝絕到日湄
壺傾

閒居

鄭應南

郊居詩抄

卷之三

吳三

結屋當山麓開扉向郭西遺榮何世網削跡合雲
棲松菊餘荒徑鳧鷖共此溪仙源吾已得誰信武
陵迷

餘生堪偃息福性謝交遊臥起雲生榻吟成月在
樓爲農谷口僻抱甕漢陰秋亦是忘機者何妨海
上鷗

發羊原

林誼

淑氣初陽月巖裝羊水中舟從沙浦出花近驛樓
紅客路多瞻北江流獨向東故山在何許惆悵望

歸鴻

送石惟實還滁州兼簡袁生

山人陳言

江柳正依依
驪歌倚夕暉
不堪爲客處
復送故人歸
水驛征帆遠
鄉山入望微
相思多過鴈
莫遣信音稀

楚客復孤征
雲帆幾日程
江通彭澤縣
路入石頭城
遠樹屯殘雨
平蕪帶晚晴
相逢袁伯子
爲我致遺情

郊居詩抄

卷之三

四七

泛江用皆春翁韻戲呈高三厓

芳郊載酒地
澤國落花時
野曠天疑盡
帆迴岬欲移
惟禽臨水語
獨樹倚江欹
更愛高詹事
相逢醉似泥

於八叔宅送三叔下第南還省覲從祀員外公時客林中丞所

方元洪

擢桂年何少
穿楊技亦工
人才鵬翼上
鄉淚柳花中
去住愁方劇
登臨恨不同
洞庭秋一汎
何異蓋

珠宮

大夫猶逆旅君去喜趨庭
兩度春花落相看別思
醒青藜心易折白苧醉堪聽
深夜轅門月誰能問
客星

送謝明府之徐聞

忽有雷陽檄睽携意獨偏
雙龍燕月迥百雉島雲
懸民瘼褰帷日君恩製錦年
古源堪共泛躍鯉
過鳴舷

寄源公

蘭若俯燕市清齋不復過
逢人能問訊垂老意如
郊君詩抄

卷之三

早全

何夜色一燈遠秋陰
雙樹多風塵未須訝
客亦病
維摩

送閻汝公

雪花如落葉忽傍酒壚飛
何意齊中客翻從塞上
歸驅馳經帝里老大感
儒衣若倚蓬萊閣君應指
少微

送馬德馥爲商城王傅

三年遼海上垂組復朱門
客豈齊筭至王應楚醴
存談經亦動業從獵
歟纒雪滿鴻溝道誰能賦

兔園

陳行人麟使艱歸省閩中賦贈

方元浩

駐馬三臺下相逢空復情
高齋一夜雨萬樹盡秋聲
兵甲江南路烽煙薊北城
還將故園淚燈下向君傾

君向秋風發吾歸不可同
離心紛浦樹征馬向江楓
綵服歡偏劇黃金賦獨工
清宵有孤夢飛繞建章宮

郊居詩抄

卷之三

一

遇一瓢道人

陳昂

萬里長爲客秋深思欲凋
霜風黃葉怨時事赤狐
驕以我彈孤劍知君戀一
瓢何時滄海上同聽白雲
謠

山居有感

林諧

萬象回春色孤山此卜居
窮愁詩未廢懶惰事全
疎白眼終違世青尊不負
余柴門終日閉自草嵇康
書

春日湖園小集分得海字

荷鋤理小園花樹籠晴霰短檻敞西湖青尊開北海
薛公隱賣漿時有鄰叟持家醞至楚客悲懷甚感我全心
人揮毫成五采

過白水塘

野水明於練方舟坐碧空孤雲生海嶼落葉舞天
風渚鶴飛還下江梅白間紅中流一騁望人在水
晶宮

春日水亭卽事

四首集唐句

黃默

行樂三春節乾坤一草亭鳥啼當戶竹風約半池

郊居詩抄

卷之三

五

萍投跡一蕭散清心豁杳冥高歌足自快數曲暮
山青

谷口爲幽處雲泉舊結廬澗花秋暮雨河柳覆長
渠畎畝孤城外郊原春興餘悠然出塵網名利欲
何如

結茅臨絕岬偶地卽安居用拙存吾道忘形同化
初澤蘭侵小徑花水溢春渠永日無人到焚香看
道書

雲浪跡棄人世
霽心隨鳥群
興移無灑掃
吟臥夕陽醺

郊居詩抄卷之三

郊居詩抄

卷之三

五

郊居詩抄卷之四

五言排律

雲莊紀物

林俊

老深酬懶癖幽勝屬庄家走院溪籐暗緣丘塢竹
斜野革時臥鹿塢井亂鳴蛙陰壑蒲初笋陂陀蕨
正芽蘩行令公韭盤剥故侯瓜山柿辭殘蒂嵯梅
落故了砂精霜候橘粟粒雨前茶壁檜懸絲紐岡
桃散錦葩藥苗闌錯種石乳穴粗爬海濶潮雙信
蜂喧日兩衙褰幃過谷鳥拄杖落岩花鄰里鷄豚

郊居詩抄

卷之四

乙

盛晨昏鶴鵲謹三陽時轉泰一熟歲仍加事育差
年計輪迴宛物華土風存梗概人語隔煙霞兔狡
何曾得魚馴漸可又抱寬餘垢納持少斷汗邪豪
興閒還覓頽齡促任賒蒼精化猿鶴綠骨幻龜蛇
末路看如砥浮生似有涯詩材衰愈退飲量晚微
加禮讓聞鄒魯懷柔憶漢巴歷危欺足爾乘醉岬
巾紗風掣垂天翼星回貫月楂無錢具鮭菜與客
且桑麻齋集僧魚供膳分社鼓粃至音傳要妙大
雅會亨嘉鬼鑿仙龕細柴聯棧道遐規規投索莫

頗頗謝紛拏學籀董生苦訶疑左氏誇帝臨收暮
局一着敢容差

壽喬白巖公用山齋韻

地紀臨西晉天官近北辰四朝文與武三事甫兼
申龜組英名盛麟袍峻節新腹松符昔夢海鶴讓
丰神冀俗清還淡堯風質更淳兩儀歸燮理百辟
待陶鈞大雅垂臣監精忠動帝宸逆鱗排內降削
稿疏南巡瑞日桃分露春煙燭晃銀仙班誰第一
資聖繪中人

郊居詩抄

卷之四

二

江山萬里圖

魏時敏

山色迥蒼蒼江流入夜長烏啼春樹綠花落石苔
荒野店留山妓津橋稅海商溪雲侵屐冷荷氣襲
衣香寺僻僧來少途長客去忙驅牛逢令尹立馬
吊韓湘魚網懸春水征帆掛夕陽班荆遮逕戶積
雨暗山房未見人如玉先驚髮似霜登山懷謝眺
去國嘆錙郎霧散千峰出天空一鶴翔隔離聞犬
吠出谷聽鶯簧且盡陶公醉休論阮籍狂白雲耕
壠畝青草夢池塘杳杳征鴻役荒荒落日黃披圖

添客恨何處是滄浪

獄中數夜不寐作呈黃伯固陸汝亨夏于

中二首

林大輅

傳呼催永漏不寐待初曦稍釋全身想翻慚報主
私啼猿逐霧峽宿鳥失風枝孟博心偏壯鄒陽病
敢辭昔人同蹇縮吾黨竟支離隔幔遊僊枕涪翁
繫我思

詔獄盈霜雪陰房肅鬼神誰能期不入聊復夢相
親械繫宵聲寂慈悲曙色春壯懷應束縛衰態更

郊居詩抄

卷之四

三

逡巡自語蛩依砌獨明月照塵東曹數君子共念
卜商貧

行路

行路歲時晚移舟夢寐驚星河流夜色鼓角振秋
聲魚札懷千里孤裘坐未更野寒漁火聚津遠戍
樓橫郡邑憂芻餉公卿賀太平南征無信息衛水
亞夫營

葉鳴玉水部分司宴集

病客秋深榻孤舟濟上津水曹書屢至地主意相

親乍見翻憐我衰容欲避人談鄉能款曲涉世更
逡巡誼重同袍日懽深舊國春檣烏晴度柳庭雀
晚栖筠把酒曾辭醉彈棋卻任真江湖多逆旅飄
泊有孤臣憶在燕京日蚤兄觀國賓路長驚驥足
劍老拂龍鱗流落身如寄艱虞氣益淳名浮羈歲
月迹遠混冠紳南北浮槎在風煙病髮新鑿璣遊
薊趙虎帳握絲綸衛水環千幕靈山拱百神南征
誇聖武萬象圍皇仁賤子移官志清時報主身蹉
跎萍梗迹偃蹇雪霜辰燈火分司共歌筵異味陳

郊居詩抄

卷之四

四

屈平終慕楚仲子亦悲秦粟里耳餐菊吳門尚憶
蓴前脩俱落落吾黨漫恂恂別久懷難盡交深德
有鄰道情增繾綣世業懼沉淪屏裔吾何愠懷賢
爾自珍故鄉聞信息吏道悅清貧伊欲浮滄海翻
鷺隔紫宸莫言明發別涕淚一沾巾

奉送姚東泉相公節制二廣

王鳳靈

聖主中興盛戎羗盡率賔東南供翡翠西北入鸚
鵡已見神功運循虞武備溼壽邊求至策席上得

明珍此日須韓范南邦生甫申詩書原將略文武
冠儒紳省署初從政郊謀頌克禋詞兼班馬富學
本孟韓醇正爾當平世能忘覺我人率躬先翼翼
善誘復循循絃誦流三楚裁成樂七閩夷方勞握
憲魯甸仰來甸持斧方行部提戈遂入秦金鞶邊
地靜鑠鑰北門新歷試司邦土群光昭德鄰鳳毛
天上瑞龍表日邊親式穀聞趨鯉危身數犯鱗百
年期禮樂兩世篤忠純直北關河振征西羽檄頻
兵謀貴帷幄公入副經綸老將新迴席諸生舊問

郊居詩抄

卷之四

五二

津談經存暇豫決勝協威神淨掃風塵色應留疏
附臣十旬黔墨突五嶺擾黃巾易帥誰能右非公
莫與馴不辭萬里逖往拯一方屯符璽平分閩醞
羞倍賜縉師行歌六月帝命重先辛再執中丞簡
非同使者輪嚴旌開節鎮長劍倚嶙峋薄伐徵餘
勇懷柔示至仁賣刀渤海上海洗甲漢江濱日月高
銅柱乾坤殿紫宸蒼梧雲氣盡黃水水波潏邑井
收犂獨漁樵訪隱淪汾陽都將相諸葛領兵民德
業論二代安危寄一身待歸尚父馬肯繪漢臣麟

國勢看彌重，天工在亮寅。愚生誠鄙陋，兄弟荷陶甄。
孰使癯能戰，因忘病且貧。泥塗雙引手，羽翼漸成翮。
感激思前事，奔馳望絕塵。追攀那可得，歌頌總難陳。

送南京禮部尚書顏公之任

柯維騏

三楚生材地，如公獨擅良。群應空駿馬，人共美羔羊。
補袞元希甫，埋輪更慕張。青雲暫荐歷，黃髮業彌光。
持法周司寇，追踪漢侍郎。恤恩流聽棘，嘉頌繼歌棠。
每指上台切，仍看正翮翔。兩都均輔弼，八座埒班行。
禮樂欲何俟，升平詎未遑。簡衷優詔下，趨命束書忙。
曉闥移瓊珮，春郊度錦囊。江涵鍾月白，樹遶石城蒼。

闕壯盤龍虎，臺高集鳳凰。苑邊開鶴署，方外訪牛

岡。吏隱真兼得，經綸亦豈妨。中興參制作，多暇綴詞章。
卽擬沾波潤，還憐隔蕙芳。偶陪新進後，一識宿心償。
懸榻元稀遇，離杯特遠將。風帆飛路渚，目

斷暮天長

送少司馬鄭子尚總鎮二廣

南粵資雄鎮中朝簡俊臣談兵對樽俎執法動星
辰雅擅蘭臺望筆清薊野塵優遷八座亞專制兩
藩均自信肝如鐵人誇鬢未銀輟過里閑叱馭
陟嶙峋象嶠轅門接羊城賦筆新憇棠衢頌遍采
芑國威伸海息鯨鯢浪山回草木春功成報

明主看取畫麒麟

壽夏少師公

康大和

昭代稱元老如公復幾人鳳麟呈宇宙鵬鷲出風

郊君詩抄

卷之四

七

塵商室天生傳周家嶽降中金闈聯世業青瑣冠

朝紳雪簡昭天日霜威肅鬼神百年興禮樂一疏

定郊禋宗秩寅清著經幃獻納親史才追左馬學

術陋楊荀視草王言重蓮茹士氣伸台衡時簡注

密勿日咨詢補衮心偏切更絃志獨真佩聲傳內

闈履跡遍重闈憂樂匡時志安攘報主身鹽梅

調鼎鶴霖雨沛穹旻南國曾參乘東朝預建賓龍

飛昭大孝燕翼闡鴻仁遠慮通機密深謀邁隱淪

三邊狐鼠伏四海鱷鯨馴智大操心小功成乞老

頻慰留勤 睿烟寵數極臣隣上宰仍兼秩元功
溢賜緡錦衣浮象璘玉帶絢魚鱗勳業銘丹府恩
光昭紫宸軒轅週甲子孤矢值初旬瑞氣庭階合
懽聲朝宁勻雲霞紆五色奎璧煥三辰圖啓函關
秘祥開洛邑新荷風清碧漢桂露滿滄溟樂奏鈞
天曲觴稱御醴醇趨庭羅赤舄列幄坐文茵夢協
熊羆兆光回琬琰珍玄符藏鶴鶴赤錄擬松筠海
屋籌何極天墀福具臻萬方登衽席百辟囿陶甄
北斗瞻依近南薰祝頌均非才遭盛際大道尚迷
郊居詩抄 卷之四 八

芳春

奉別塗任齋叅伯

周鯤

井絡人龍異微垣台象崇甫申才命代旦奭理分
封特簡天樞北維藩粵壤東華原周騁驚棠芟翳
菁葱極旆翻朱鳥輜軒儼畫能拊循勞拯溺籌畫
闕臨戎固圉城飛雉澄氛劍射虹精神孚海若法
令震豐隆蘭堰衝波定桑阡美殖同甸氓懷國子
鬻佩仰文翁幄演圖書遂疆還鄒魯風亂繩徐自

解滯獄卽爲空節本羔羊素心懸日馭紅駿聲流
八郡神采動群工道允天民覺人胥岱嶽宗曩余
叨粉署瞻爾謁宸宮賜履青冥上鳴絃赤縣中
飛黃時一顧蕭艾漫依藜雞黍盟張劭尊壘倒孔
融風枝儵南北歲籥遞初終鷄翼炎洲委鳳臺儼
氣濃憑高思欲賦踈足去焉從晉錫來何晚師貞
擊此蒙幾年憂伏莽一日咏壻弓良覲欣披霧羈
栖尚轉蓬管寧遼左客孫度眼中逢茆棘歸初剪
琅玕惠且重素交慚白首芳意結蒼松秉燭宵移

郊居詩抄

卷之四

九

榻迴驟曙聽鐘綈袍真戀戀衮繡太匆匆江海二
生夢麒麟百禩功追攀寧復得竚立送雲鴻

朱嶸縣得子

林應采

風塵爲客倦棹返剡溪船鷗鷺盟何適罷能夢每
懸西天仙氣度東井德星纏謝樹侵雲長隋珠入
掌圓鳳毛看采采龍脊故翩翩白傳添丁晚徐卿
有子賢清風朱穆行道術紫陽傳庭已群鳩集門
需駟馬旋青尊過日月華髮慰林泉還訂尚平約

相將五嶽巔

麥斜

林萬潮

鴈堂臨絕巘，鳥道出層巒。洞古煙蘿合，樓高象緯寒。
上懸蒼石障，下控碧霞壇。鷄犬雲間集，龍虵谷裏蟠。
玉泉晴作雨，珠樹暗鳴鸞。芝朮紛堪把，松苓秀可餐。
佛輝靈氣晶，寶月夜光團。浩蕩丘中賞，沉冥物外觀。
齋心依靜榻，浴髮向飛湍。坐愛空門淨，那知芳歲闌。
倚牀翻貝葉，撫几奏猗蘭。更有飄然思，因風振羽翰。

延曦堂成贈黃亨夫

丘秉文

郊居詩抄

卷之四

十一

軒棟天中起，煙霞象外披。寧親今有宅，卜世浩無涯。
曙色扶桑駐，春暉細草私。賀應飛燕雀，夢已叶熊羆。
魚稻堪調膳，江山足賦詩。猶餘回馭意，無事望雲思。
西掖元非貴，南陔且自怡。佩刀王氏第，玉樹謝家兒。
容駟看他日，批鱗憶往時。一麾諫獵後，誰復問棲遲。

月夜登雨石臺

不倦登臨興，移樽遶閣行。臺仍天半落，月已坐邊生。
萬木秋聲早，千花露氣清。疎鐘來古剎，短笛起

孤城雨石何年事
風人此夜情
寒光憐玉兔
病色想金莖
烏鵲南枝匝
星河北斗橫
會須凌五嶽
身外謝浮名

駿馬贈鄭五按察初度

渥水何年產房星
此降精五花驕
弄影千里迥嘶聲
蹠躐長揚苑
驅馳細柳營
朝來騰楚越
日入刷幽弁
羸駑宵皆遁
飛黃老始成
千金增倍價
一顧遂長鳴
電掣天山動
風生瀚海清
請看班定遠
人馬共橫行

郊居詩抄

卷之四

十一

和諸公題詠小舟

鄭東白

世路風濤急江津雪浪長
歸來辭苦海獨去駕慈航
敢擬神仙棹欣逢山水鄉
采芳依杜若把酒傍垂楊
獨繭三江釣孤帆萬里揚
汎然元不繫觸處亦何妨
泛月牛渚上衝寒剌水傍
乘桴吾豈敢擊楫意難忘
落日悲江漢因風想石梁
桃源如可問從此逐漁郎

秋日泛舟棠林

秋日園林好尋幽意獨勞
看雲行鶴渚携酒上漁

舂露白松蘿淨風清水竹高山扉依石榻厨饌得
溪毛方朔仍狂熊柴桑但濁醪感時偏擊筑發興
任揮毫世事俱華髮交情見綈袍斜陽催返櫂新
水正滄滄

夜渡白溝河

方輿邦

野戍依青塞寒星渡白溝昔年戎馬地今日
帝王州浪跡渾無賴浮萍任遠遊孤村雙杵夜獨
客七陵秋天外荆卿劍霜前季子裘魚龍眠月窟
咫尺隔中流

郊居詩抄

卷之四

十一

答李華山園居之作

陳應魁

養拙稅歸鞅倦遊甘息交下帷空著論讀易細觀
爻擁膝餘藜榻研硃滴露梢雲晴當出戶風至或
翻茅樵隱每同路人禽相對巢水花斂晚照野竹
長新筍時物隨鑛火人情易析膠榻懸常不下玄
白亦從嘲散帙誰親理求書自懶抄魚飛驚釣餌
鶴矯避煙庖自得還印日東臯矚遠郊

奉贈太守崇泉鄭翁

黃謙

早歲乘天路爲龍不可羈孤鶩嵇叔夜廓落鄭翁當

時操瑟官難達投珠衆易疑埋名蒼水使寢跡白
雲司洱海何顏色棠林繫夢思曼容無厚祿荀淑
有佳兒老豈居人下閒應覺世遲秦灰看劫變堯
曆向冀推日月雙飛轉江山百戰遺武陵春不極
難與外人知

春日柯希齋先生初度席上賦

世廟垂裳日英髦滿帝京公車曾待詔漢柱早題
名洛水才無敵甘泉賦有聲分曹千里隔公領南
版曹

報國百身輕天地君恩竝風霜旅病生愁吟流白

郊居詩抄

卷之四

十三

雪消渴望金莖請急排閭闔言歸憶杜蘅孤臣辭

北闕將毋罷東征雨照荆枝色春吹藥圃榮青山

淹宦計芳草是王程文豹寧藏霧商梅久待羹薦

雄聞屢䟽屈賈竟何情官豈文章妬功因著述成

龍門仍息偃馬隊厭逢迎玉樹親堪倚蘭襟晤每

傾過軒憐小友搦管愧長卿感激頻投李摧頽乏

報瓊登堂三月候進酒萬花明顏共寒冰瘦杯分

碧海清門人歌棗竹野老饋香杭富貴浮雲等滄

桑白日更楚商有嘉樹歲晚獨崢嶸

延曦小堂成諸大夫枉贈賦謝

橫海無籌策天南幾戰爭
奉親曾避地復業幸餘
生邑里皆新主河山繞
舊城誅茅心已苦巢幕
夢猶驚老父其常饑癡
兒學耦耕追歡遲日影
問寢候鷄鳴生理何年
極浮雲去事輕良朋勞
問訊錦字下簷楹色奪
之花秀光涵片玉清蘭
陂千尺水難似故人情

賦得長樂鍾聲爲鄭按察勸駕

長樂鍾聲起天河夜色移
高高隨漏徹隱隱入雲
遲拂曙開金鑰聽鷄拜
赤墀自天承睿賞就日
覩重離謫宦風煙老歸
朝雨露私十年湖海客
此日鳳凰池抗疏仍能
事彈冠冠慰所知玄都
時駐馬莫問舊花枝

秋日遊棠林

方萬有

爲愛棠林勝言從谷口來
千峰雲香靄萬壑樹縈
迴亭古垂蘿薜池深辨
劫灰霞光明積水秋色
淨浮埃久徑緣松入芳
樽傍竹開傳歌橫落日
覓句上高臺水寂魚龍
臥江空鴈鷺回不須催
去棹新

月已臨杯

麥浪 閣試十句體

朱明開首夏紫甸報先秋雨過青如染風來翠欲流
芄芄隨地湧浩浩接天浮澤潤民膏渥波沾帝
貺優豐年昭率育歌頌續來牟

磐峰小隱酬諸社丈

賸有煙霞僻兼之蒲柳姿華簪投早歲盤谷結幽
期溪煖流玄霧山深長紫芝但隨麋鹿伴只許求
羊知孤棹來何處千楓落盡時開罇同引瀨掃石
共題詩白雪連峰映繁星匝地垂考槃聊自適寤
寐永相思

壽林司空公

鄭茂

洛社懸車日 君恩賜老年歲星垂宇宙卿月照

林泉時序功云退行藏道豈偏 兩朝推壽俊八

座儼神仙夙昔登金馬含香侍木天文章追正始

學術契真詮夫子稱揚震諸生仰鄭玄在公厯夙

夜歷試重旬宣方撫三湘鎮俄歸七澤船杜門風

節峻堆設薦章重更化逢 神聖徵書促旆旒兩

都均扈從六省遂騰騫執法西臺迥司空北斗聯
謀猷常入告吐握廣招延俗美羔羊操人思夢卜
賢白駒何皎皎黃鵠遽翩翩疏傳遺榮早裴公擁
節旋午橋開甲第亥字應星躔玄草頻刊定丹經
細校研頰波看砥柱末俗藉陶甄辟穀非忘世明
農且在田仍紆社稷望終勒鼎彝傳驚劣慙千里
幽棲附一廛樞趨分遠照嘘拂感前緣誤汚山濤
啓虛談郭隗先盟心師矩矱淬志事韋編竿瑟知
誰售筌蹄敢自捐願隨珠履後長獻鶴飛篇

郊居詩抄

卷之四

十一

重陽後十日張郡伯劉憲使張李二將軍

招遊白塔寺卽席賦

白塔何年寺登臨亦壯哉孤標凌斗極素壘絕氛
埃禁籞千花見都城百雉開鍾聲連紫陌梵影落
蒼苔法鐸凌風勁慈燈入夜迴長疑珠照乘坐覺
雪盈臺象界原超忽龍池任切灰白蘋秋欲老青
鬢日相催放逐恩猶渥縱橫氣未摧開尊何莽蕩
結駟共徘徊五馬漁陽守二師驃騎材長卿詩律
細叔夜玉山頰授簡俱能賦登高復幾回清言翻

貝葉勝賞倒金壘霜染籬邊菊風吹遂裡梅蓬心
凄欲斷馬足渺難裁寶筏應誰度迷津祇自哀萬
緣俱是妄一覺卽如來已識無生理還傾有限盃
五陵冠蓋客車馬任喧阗

贈龐中丞公應召北上

紫極昭乾化垂衣仰 聖明巖廊咨舜岳社稷寄
周楨合浦玄珠出禺山彩鳳鳴經綸關氣運晝亮
本精誠每憶彈冠日爭傳抗疏名埋輪褫七貴折
檻動孤卿開府承恩蚤盡能間俗行牢盆謀足

亦居詩抄

卷之四

七

國屯塞議休兵投杼恩逾渥批鱗氣益崢 三朝

紆素望再起慰蒼生闔海彈丸地樓船插羽橫
櫓方掃卻杼軸尚交征瘠土葭難茁奔濤尾易頽
公來司斧鉞人喜得干城約法蠲煩苛虛懷攬雋
英指揮戎馬定擿伏鬼神驚兩稅防漁獵諸繇酌

重輕蕭規惟畫一唐賦莫紛更墨吏先歸綬材官
競請纓石壕無夜吠冀野有春畊歲稔庚桑壘霜
飛戍已營越裳供翡翠京觀絕鯢鯨八郡風初偃

萬家雨乍晴 天丹 下就日絳騶迎北斗依

閭闔西臺接太清九重思聽履六察待持衡舊識
乘驄貴新誇賜坐榮威稜搖白簡劔佩肅葱珩吉
甫元爲憲召公已告成衝星驅六傳映燭擁雙旌
儼若神仙去真懸父老情乾坤留俎豆雅頌播鏗
錡抱甕慙余拙披裘混列氓一廛分水竹雙鯉問
柴荆借寇心何限攀嵇夢自縈夔龍能濟世巢許
合幽貞物候催楊柳離懷托杜蘅勛勞終賜釜密
勿定調羹東壁如分照南山任獨醒竚瞻麟閣繪
長咏秦階平

齊居詩抄

卷之四

六

三

咫園篇爲鄭給事作

余翔

名園開咫尺大隱絕風塵嘯傲煙霞老棲遲鬢髮
新桔槔偏不用杖屨每相親豈是陶弘景居然鄭
子真蓋停鄴下客甕抱漢陰人薜荔裁初服蘭茝
托比隣柳垂彭澤徑花壓武陵津金谷空爭麗玉
泉別有春叢篁遲鳳翮古柏偃龍鱗醒酒時憑石
彈棋或藉茵著書淹歲月染翰亂星辰環堵元非
病於陵豈爲貧當年青瑣闥此日白綸巾濠濮生
幽榭蓬蒿得隱淪何須吞夢澤差可避嬴秦方丈

知何處乾坤寄此身招遊惟二仲詎厭往來頻

得鄭啓暘湖州書却寄二首

方沆

別離當日意宦跡任浮萍寄字烹雙鯉論交憶聚
螢春花搖采筆湖色上玄亭谷口名逾重山陰棹
幾停夢回江月冷地隔越峰青霄漢懸三策風塵
老一經還期脩健翻激水奮南溟

有客過天目緘書自太湖乾坤青眼在踪跡白雲
孤遇爾無中駟慙余見大巫陽春工絕調明月抱
雙珠千里綈袍戀諸生絳帳趨投蘭還意氣擢桂
自雄圖一棹秋風裏相將帝里隅

秣陵秋望

四望鬱岩堯地形建業標秋隨叢桂至暑應早鴻
消雲氣來雙闕山川自六朝濤翻揚子渡客憶木
蘭橈斜日寒砧動清霜落葉飄時名存雪調歲序
颯風颯送目中原盡懷人尺素遙能無宋玉賦披
詠慰蕭條

送陳晉遠應召治膠河

使節東歸。徵書北闕。長擬裁溝洫志。新擢水曹郎。版重人相勞。宵衣帝不遑。漢渠開龍首。秦石到扶桑。地脉青徐近。潮聲海岱旁。金錢分少府。璧馬紀宣房。貢賦千艘上。經綸三策良。懸知䟽鑿後。入奏動明光。

哭六兄

嗟爾白眉士。才華竟逝川。傳書來嶺嶠。灑淚向閩天。難續連枝會。空操夢草篇。脩文何太遽。埋玉轉堪憐。落日鴈行失。浮生駒隙旋。囊螢傷往事。竹馬憶童年。絳帳聯裾入。玄言把臂研。時名推七步。絕學紀三編。意氣矜題柱。文章許著鞭。壯圖看綠鬢。遺恨掩黃泉。添庭荆色淒。涼宰樹煙悲。風吹舊幔秋。草暗新阡靜。室蛛能網殘。經蠹已穿素。車那得遂心。折斷雲前。

郊居詩抄卷之五

七言律詩

和山行侶圖 爲隴西彭子玉題

黃約仲

吳煙越樹共依依
候館驚心一鴈飛
三徑秋隨芳草盡
亂山人向故關歸
碧雲拂曙迎征蓋
黃葉從風點客衣
聞道滄浪多應召
明時莫遣宦情微

都城八景

居庸疊翠

林環

郊居詩抄

卷之五

乙

積翠峯堯北斗
傍雲開千疊錦屏張
連峰上接中天近
絕巘遙臨朔漠長
雪後煙嵐生王氣
春來草木帶恩光
白狼山外烽煙淨
不數秦關百二強

玉泉垂虹

浮花濺玉落崔嵬
迥出千巖去不迴
白日半空疑雨至
青林一道見煙開
月分秋影雲邊去
風帶寒聲樹杪來
東下御溝知不遠
還同銀海繞蓬萊

太液晴波

池頭旭日散輕煙
開鏡清光近九天
翠柳條舒經

雨後綠蘋香煖得春先御溝流出通金水僊派分
來自玉泉在錦幾回陪宴樂載歌魚藻繼周篇

瓊島春雲

蓬萊雲氣曉氤氳仙島凌空接紫氛日上九重遙
動色春來五采自成文花邊暖映鑾輿度仗外低
隨寶扇分知是清時多瑞應且題綵筆答華勛

薊門煙樹

蒼煙綠樹古城闌野色微茫接去津卽有清陰留
酒伴遠舍空翠送行人連林葉暗千門夕拂水枝
長幾度春却愛東風堤上路花時駐馬聽鶯頻

西山霽雪

群山削玉遠參差翠靄微分雪霽時日映林光浮
鳳闕暖添澗水到龍池峰頭漸逐青煙散樹杪疑
含玉露滋題柱仙郎情不淺玉樓宴罷馬歸遲

蘆溝曉月

踈星落落曉寒棲月色沙光入望迷野戍連雲寒
見鴈人家隔水遠聞鷄波間素練涵秋淨天際殘
輝映樹低馬上曾驚春夢斷鍾聲初度禁林西

金臺夕照

高臺曾此築黃金人去臺空碧草深落日未窮千里望青山遙映五城陰鴈將秋色來平野鴉帶寒光過遠林昭代駿才登用盡不須懷古動長吟

和胡學士遊牛首山韻

松下禪扉晝不關垂蘿應許世人攀黃龍說法諸天在白馬馱經幾日還近戶泉聲晴雪後隔林僧影夕陽間風塵袞袞悲多事好結支公共買山

挽靈濟宮邵真人

柯潛

郊居詩抄

卷之五

三

虎殿當頭傑直回尋真穿破白雲堆只傳子晉朝天去不見蘇耽跨鶴來點易窓前空野月步虛壇上半蒼苔埋塵猶有青蛇劍夜夜光芒燭上台

題小景

林文

數間茅屋倚岩阿石徑縈迴出薜蘿萬里碧空飛鳥沒一林紅雨落花多舟橫野渡無人喚屐響溪橋有客過天外斜陽催夕景滿懷詩興欲如何

送別賦得東渡春瀾

林士敏

長堤楊柳綠婆娑二月江南春水多送客又經桃

葉渡逢人還唱竹枝歌沙明翡翠藏芳草日暖銀
魚戲碧波卽可乘舟同載酒東風爭柰別離何

送孫世賢

林俊

旌亭小隊劍江潯叢菊花開酒共斟關樹日高雙
闕迥禁城天近五雲深行看京尹徵黃地不盡河
民借寇心同是離懷付流水斷腸踈鴈一長吟

送方壽卿入京

委巷陰森竹樹斜隻藤支老大方家醉移錦瑟絃
中鴈着拂青衫袖裏蛇歲晏相期自心事君行獨
贈一梅花出門柰懶吾先別偃臥江天數落霞

郊居詩抄

卷之五十一

四

靖安卽景

結約春還又客先馬鳴小隊出盆田雙峰雲動兩
溪雨七井星回百竈煙政急閭閻思解網月明湖
海夢歸船簡書頗亦酬前意多在長空去鳥邊

繭窩成

一窩山繭結重霞斷葉吳蠶是此家短興西風元
亮菊浮生新雨邵平瓜飛回別谷雲偏懶流過中
天日易斜心迹古人痴未放草窓羲易送年華

全節祠

太息橋山事未還，却留羅襪試間關。
决天母子風濤外，如禮君臣俎豆間。
骨冷尚煩春草綠，泪枯真帶石厓斑。
翟輿禕服莊嚴在，可是男兒有厚顏。

夏日偶成寄高知州

魏時敏

一春臥病掩荆扉，轉眼風光又葛衣。
江郭雨晴榕葉暗，山庄地煖豆花肥。
厭騎羸馬聽鷄出，喜買扁舟載鶴歸。
欲把長竿釣明月，白雲占斷子陵磯。

送僧還牛首山蘭若

郊居詩抄

卷之五十一

五

懷人飛錫向南天，石上相逢話夙緣。
蕉葉藤花兜率寺，灘聲月色建溪船。
途中施食曾留偈，逢底跏趺不離禪。
更說故山多法侶，共看松偃舊房前。

贈徐必東調官貴州

鄭岳

黃鶴樓前繫短橈，離魂湘水不須招。
雲連魏闕瞻猶近，路比匡州去未遙。
一鴈叫霜天欲暝，亂山隨馬凍初消。
河橋欲贈無楊柳，獨有松枝最後凋。

送馬善徵致仕還吳

君去洞庭何處住，海門迢遞接東甌。
湖田歲熟收

粳稻煙渚秋高弄釣舟謾說孔明無將略早知若
水是仙流浮生萬事何時盡却把閒情付白鷗

和無題

張元紳

銅魚雙鑰夜沉沉十二瓊樓禁苑深九曲柔腸千
種恨一天明月萬家砧舞衣謾著重重錦歌袖空
鏤縷金自計不如雲母帳尚垂雙帶縮同心
花枝嫋嫋顫春寒幾度含情強笑看盡日悞聞來
玉輦一春空費倚雕欄垂簾不放雙飛燕覽鏡偏
傷獨舞鸞多少渴心消未得金莖謾說露盈盤

郊居詩抄

卷之五十一

六

落花次韻

吳昭

春事闌珊思轉悠閑因掃徑喚蒼頭誰家短笛風
輕度何處長橋水亂流苔濕有香黏屐齒月斜無
影上簾鈎却思割錦纏頭地虛負歌兒字莫愁

落花次韻

陳伯獻

銅槃燃蠟夜無懽十日春凝九日寒斜閣秋千閑
院落亂嘶叱撥遍長安流光冉冉欺人易時事悠
悠適意難誰說穠華偏擇地五侯池館總摧殘

綠肥紅瘦綺寮前妬雨沉陰咽管絃隋苑林空仍

綴絲洛陽擔弛不論錢。蝶衣曬粉傷新緒。燕寢凝
香結舊緣。榮落乘除還宿數。臨風無用一愀然。

讀淮陰侯傳

林茂達

帶礪盟寒霸業空。將壇寂莫幾西風。中原草樹埋
秦鹿。雲夢旌旗出漢宮。人代古今雙淚眼。王侯天
地一樊籠。赤松始識神仙侶。圯下何慚黃石公。

會山齋別墅

泉石頤閒十載餘。恩光猶憶賜歸初。登臨已覺烟
華暮。老大渾忘禮節疎。別墅烹茶迴獨鶴。南湖看
竹報雙魚。山間樂事誇真率。座右荷香席有蔬。

郊居詩抄

卷之五

七

青臯書屋

浪迹江湖二紀餘。歸來清野命巾車。東臯山好客
能到。南畝春深草欲鋤。娛老頻移村落酒。遺家剩
有古人書。谿風晴樹棲烏定。穩放扁舟學釣魚。

候 旨宿通衢驛

周宣

天涯歲晏角聲悲。雲片河光夜共微。貧慣不知身
是客。才疎豈合老方歸。風前蓬鬢如輪轉。露裡葵
心待日晞。惟有驛南舊山色。朝來相對兩依依。

涑水道中感懷寒食前二日作

陌上荒墳帶石田，楮灰麥飯各紛然。
茫茫野色含春雨，獵獵林風泣暮鴉。
嗒空勞千里外，縫衣猶憶十年前。
房山今夜孤燈夢，應逐遺容到九泉。

謁岳武穆廟

黃相

古廟沉沉掩夕曛，西連孤壠結愁雲。
金牌早入書生計，朱鎮空回少保軍。
萬里鑾輿終北狩，千秋河嶽遂中分。
乾坤遺恨依然在，散作秋濤不忍聞。

東山避暑和黃東村

林有年

行厨炊黍錯蔬盤，避俗來依惠遠壇。
風細竹窓驚籟響，雨晴幽徑報花安。
鳴蟬嘒嘒催朱夏，古木團團逗翠寒。
白髮已拚人事廢，碧山肯負故情歡。

送林文學尚懷之辰沅

林文俊

尊前把袂日初斜，共指江潭去路賒。
送客不堪逢歲杪，緘詩何惜到京華。
洞庭天濶雲垂野，湘浦秋深鴈泛沙。
聖代需材頻側席，莫教錫貢止丹砂。

喜逢鄉人飲酒

林大輅

擊筑長歌遣四愁，相看天際碧雲流。
滄江紫蘂非

吾土黃菊青橙自遠州畫餅文章驚楚玉屠龍技
業愧吳鈞司空自信三休老林叟何年一釣舟

梧州呈大司馬姚東泉公 二首

蒼梧山色敞雲屏開府平臨紫氣清漢室鄒枚俱
國士宋京韓范一書生降幡猗獠分龍節凱樂僊
臺奏鳳笙十載談經門下士征蠻遙識使君情
漫郎劔佩試登堂六月霜臺儼鳳岡帷幄籌邊肝
膽赤風塵憂世鬢毛蒼虞廷二相馴苗虜殷帝三
年克鬼方勲伐未須論去就只今行部有甘棠

郊居詩抄

卷之五

九

烏蠻灘卽事

烏蠻灘上日風波歸興其如芳草何古廟神香留
彩鷁夕陽官鼓出青蘿參差石戟江流迅錯落龍
湫野渡多千古伏波寄英爽竹枝淒楚榜人歌

勒石

時車駕巡幸塞上

勒石燕然消息遲翠華天上滯歸期七旬干羽懷
今日六月兵車悵昔時萬馬如龍遊禁苑五雲似
錦綴僊芝玉關鐵壁荒荒暮月色笳聲有所思

登黃鶴樓

控鶴仙人去不回危樓長倚碧雲隈江流抱日蒼
煙斷野色橫山白鳥來吳魏空遺諸葛恨曹劉曾
惜襴生才獨憐鸚鵡洲前月遙夜清光過楚臺

同虞惟貞待御登太白樓

葉珩

翩翩羽騎共登樓落木淒風兩鬢秋平野望窮天
共遠孤城坐覺地偏浮簡書今夕非行樂時事東
隅已失籌采石仙人如可起騎鯨白日願同遊

獄中雙柏亭與提牢御史言懷

鄭懋德

郊居詩抄

卷之五

七

院門深鎖小亭開滿地殘花點綠苔舊事捐金憐
馬骨此時躡屩愧烏臺草沾霜色秋芳減鴉帶寒
光暮影來惟有前除雙柏樹蕭蕭風雨漫相摧

憶彭城

孤影樓頭鴈北征斜陽獨立憶彭城一年風雨燈
前淚兩地煙波客裏情遠信幾行還附鶴美人何
處更聞鶯當時勝會空春夢銀甲新織悔奏箏

卜居

移居正欲傍幽竹白日蕭條春雨陰門巷敢勞車

馬下晤言應識弟兄心
海棠花發年芳靜
鷓鴣聲殘柳葉深
萬里溪山看欲暮
漫斟玉醴一長吟

贈田希古憲副

朱泚

千里迢迢訪敝廬
分携已是十年餘
空山老去長相憶
前日人來不得書
川上風光原自好
林間心思近何如
江梅未得春消息
贈汝雲安雙鯉魚
未雨欲行雨且休
客邊琴劍滯深秋
重逢契濶何年是
再得從容半日留
童仆追隨成白首
鼎鼎勳業付滄洲
曉晴風掃攢峰出
碧海青天快壯遊

郊居詩抄

卷之五

十一

野夫

野夫多年不照鏡
衰容偶自臨清池
本來面目不可識
低首笑問公爲誰
崢嶸歲月今餘幾
搭颯風煙乃爾爲
我笑亦笑竟無語
竹枝搖曳光叅差

落花

倦倚危樓日未斜
碧雲芳草遍天涯
泥融海燕營香壘
風暖嵯峨峰暑晚
衙撫景有時成
獨笑留春無計轉
須嗟何當一摘蟠
桃實共結幽期九萬賒
白石苔生紫錦鱗
繁英碎點繡紋茵
攀翻曾尚

君王寵摧落均霑天地仁明月關河千里共春山
風雨一番新長安陌上看如綺多少人間得意人
送竒純第疏病還山
柯維熊

病來翻憶故山薇歲晚楓江兩櫂飛我已懷歸畏
朋友爾今應去訪庭闈草堂黃鶴如人瘦海國嘉
魚入饌肥遠念閒居多樂事不堪風雨此霏霏

洗墨池 唐李洪奉池也

池上泠泠聽古泉露莎風竹淨娟娟山形猶似題
詩日醉影空憐嗜酒年豪傑有才塵土裏精魂無
郊居詩抄 卷之五 十一
語水聲前石闌斜日重懷古一度臨流一惘然

訪鄭山齋先生蒲坂次贈韻

馬明衡

高竹長松薜荔深喜陪杖屨日登臨青山盡識幽
人面白首應多故國心野逕穿雲雙屐濕清宵話
月半庭陰裴公自愛昌黎子還有新詩別後吟

歲除訪顧志仁憲副

清晨扣門山色開入門一笑空崔嵬呼童治饌頃
卽具起舞狂歌晚未回歲云暮矣予奚適歸去來

兮君莫猜梅峰梅花亂如雪明日更上登春臺
臺在梅峰之巔

淮上獻大中丞劉公

王鳳靈

淮陽重鎮大河城蓋世勲名此甲兵十萬舟航通
禹貢三千冠珮接周行清漕直見劉開府獻賦翻
憐禰正平自歎西游身萬里何因東閣綴諸生

贈李子中

太白山人冰雪姿黃河白嶽坐題詩斗間劔氣潛
蛟避海內文名駟馬馳十載風塵吳楚郡百年禮

郊居詩抄

卷之五

十五

樂 聖明時江都寂寞長沙遠獨立蒼茫倍有思

早春卽事

柯維騏

柳外輕風吹角巾江春依舊屬閒身去鴻來燕各
自適異草名花相映新白首放歌酬 聖代青錢
買酒答芳辰客來不訝門長閉總識杜陵懶是真
新秋雨霽集東山限韻

七月六日秋氣清碧水丹山相映明岳花經雨晝
亂落谷鳥弄晴時一鳴交遊君是丈人行薄劣余
慙高士名醉躡上方對溲泚冷然孤嘯天風生

暮春集東山

烏石先生白玉簪，乾坤雙眼慰登臨。詩篇未了溪山債，杯酒真憐故舊心。野水花村漁舸入，午煙松嶽佛堂陰。黃鸝不管東風暮，頻向芳筵送好音。

東山詩社追悼石莊伯兄

昔年投紱同幽事，風雨禪牀幾對眠。今日登山已陳迹，池塘春草爲誰妍。荒荒野色斜陽裏，渺渺滄波去鳥前。想像飛魂招不得，謾將楚些寫朱絃。

古田郭東臯貳守見寄和荅

郊居詩抄 卷之五 十四
爾返初衣讀道書，丹厓結屋俯青渠。阮公嗜酒狂何在，杜老耽詩瘦不如。門巷敢期來五馬，寒暄真喜得雙魚。欲知生理兵戈後，一榻烟霞是舊廬。

隆慶改元南臺省應 詔會薦部議引年

詩以紀事

落落閒身多病餘，乞歸寔自 肅皇初。生來柰有雲林癖，交絕全無政府書。著述何功叨薦剡，行藏已老合懸車。木蘭孤艇烟波裏，免負馴鷗與狎魚。

謁唐君祠

陳箴

攬勝來登高士臺，獨依叢桂重徘徊。峻嶮遠嶠奔兼伏，漠漠寒潮去復來。玄鶴西歸千嶂夕，長鯨東撼百川迴。知君亦是隨光侶，今古空令嘆逸材。

送何叔毗之南儀部

何爲門生

康大和

捧檄翩翩去若飛，圖南豈復與心違。長堤四乘嘶芳草，小驛千花絢綵衣。路遶淞陵親舍近，天清蘭省吏人稀。兩都賦就遙相寄，不負當年薦陸機。

蘭軒道院

紫府丹臺白日晴，金童雙引到蓬瀛。瑤壇星斗齋

郊居詩抄

卷之五

十五

心淨石洞雲霞曉，夢清遂有令威來。化鶴似聞子晉坐，吹笙黃庭攤罷渾無語。一嘯楓林萬籟生。

避地樵川太守吳明卿詩來相問次韻答

之

林雲同

曳杖行譚樵水濱，却疑衣履點緇塵。蒼茫歲月容吾老，報答乾坤合此身。白鴈有情常帶信，滄江何處不通津。七星臺館猶堪借，三楚才人是故人。

九日同寅卿盧涑西戴晉菴登琅琊山

黃廷用

豐山之上何崔嵬 皇祖曾提甲士來此地恰當
龍虎會隔江遙指鳳凰臺六朝形勝歸 真主百
代風流屬俊才不必尊前論往事黃花綠鬢暗相
催

贈劉帶川兵憲延綏

秦中日夕繫 皇情廊廟掄才重夏卿鳳詔曉承
三合殿豸冠秋赴五原城陰山雪後無傳箭延水
波寒可洗兵文武昔曾輪上策胡人何地不知名

謫居登迴鴈峰

迴遊總是清朝客秋日登臨振客衣南峙衡陽開
巨鎮東臨湘水帶斜暉回看銀漢孤雲遠不見黃
蘆片影飛卽過此山猶萬里上林安得及春歸

送亢太史 冊封淮藩便道省墓閩中

金符玉冊出楓宸珍重詞臣作使臣霄漢偏多桐
葉露江城早見棣華春卽從京邑過三晉直遡淮
流下七閩明到故園芳草綠相思猶有未歸人

送郡博後塘先生遷 藩教

江清露白鴈橫秋
短劔長亭賦遠遊
贈別何人青玉案
風塵爲客黑貂裘
長空勁翮從高舉
行篋殘經可自謀
聞道河間興雅樂
好將瑤瑟向人投

九日林太史宅對菊

蕭瑟金風上玉枝
美人招飲到東籬
亭亭高葉搖蘿日
冉冉輕香度酒卮
鄉思忽驚秋色老
壯心不逐鬢毛衰
江楓岬柳俱零落
遲暮相將乃爾爲

謝招着社用大司空礪峰康公韻

萬點蒼山列翠帷
巖居閑寂日舒遲
夢迷槐國鶯呼醒
丹轉山房鶴報知
水芝薜蘿樂事洗天雷
兩入新詩餘生耳目安
虛靜手汲華泉當舉卮

贈張素愚用礪老韻

莫問桃源秦世春
且傾天酒答佳辰
舊栽藥圃堪怡老
新製荷衣喜趁身
海上仙籌遲麗日
花前萊袖拂芳塵
壽胥更有東山老
何用乘鸞叩紫宸

秋日同邊華泉登千佛閣

鄭光琬

繡閣陰陰古木層
開尊相對氣憑陵
燕京雙闕秋堪望
魯甸諸天暮共凭
世上可能容傲吏
人間盡

得有閑僧榻來不盡高丘意何日逢君更一登

錦田驛別沔陽門人蕭繼美

繼美楚人也宰惠安

李長盛

酒綠燈紅此對君
郢中白雪座中聞
風塵別思寒
花暮江漢愁心落
葉紛自信穉生終
傲世誰憐蕭
統舊能文勞勞客
計何蕭索歸去青
山拾桂芬

紫薇花下與黃亨夫給事對酌

歐志學

小園抱蹇度年芳

之獨愛清陰記

類考

滿地閒隨日影上

之華省晚色四

媚勝海棠為語花神須佐酒座中今有紫薇

10009

郊居詩抄卷之五

